

出成都西門感賦

細草秋泉滿路生
若爲西郭聽蟬行
門連古樹朝霞紫
日隱高峯晝霧青
江鯉捧書何日報
寒鴻聞笛向人鳴
初涼歸夢雲霄外
彷彿踈鍾下紫清

校士還成都聞僚友城西觀梅再用前韵
未識城西舊草堂
遙憐香艷倚孤芳
棲蓬酒伴非吳市
綽約僂姿是楚粧
竹裏斜陽迷綺騎
水邊殘夢憶瑤觴
省郎閣外多餘興
城月霏微轉

夜霜

送客還吳門

秋來江上見青山
渺渺孤雲自獨還
豈是蒼茫歌蜀道
即看迢遞出陽關
鸞停翠竹難爭秀
鷗立滄溟詎似閒
吳苑儘羸黃綺
伴若烏巖谷待躋攀

集暢菴別業奉謝

綠醕初開曲沼濱
樓臺低影碧粼粼
山中桂樹思公子
水上梅花映主人
已覺迴風驚白雪

疑流水沉清蘋
玄言竟日知無盡
竹裏相過不厭頻

夏日集相國顧文康公西園

綠野堂西隱碧城
畫欄凝眺不勝情
澄潭翳竹秋聲蚤
曲徑猗蘭暑氣清
碁局未能忘謝傅
風流今復見玄成
十年游跡真萍梗
此日林園聽轉鶯

秋秧了游山麓

經旬不到子城西
長夏郊園萬景菲
行愛竹林

遷石坐望窮巖閣送雲飛陰陰碧樹藏溪鳥短
短青秧映水扉何事征車驚南北頻年立壑興
多違

贈郁徵士

城隱汀洲水鳥飛孤村喬木翳柴扉婁侯祠屋
居偏近秦洞桃花路已微隔竹茶香疑客至橫
塘潮滿見漁歸莫嗟天馬言旋晚架引詩書願
不違

穩郊即事

涼颼裊裊拂青柯盡日江流迴不波燕去獨遺
秋色在鴻飛偏傍暮雲多蘭洲送客留連影竹
嶼題詩款乃歌已是人間蕭散地若爲花下一
漁過

楊云 留連影易作參差吹何如

書齋秋夕

竹裏新涼雨後歸槿花庭榭晚輝輝窓虛燈影
連螢度木落秋聲帶雁飛塵事幾回傷客夢雲
山遙欲振朝衣非關露葉侵階冷朗月通宵傍

紫微

早春林間偕客散步

二月鶯啼春思深萬家烟柳半垂陰
流雲漸見縈青閣旭日初驚閃碧林
漁父浪中渾不語海童川上若為吟
知君早悟嚴平訣嬾向蘇門學鳳音

次弘益光祿九日登高韻二首

槐陌浮雲傍翠微茲辰踈旭淨朝霏
三山莫恨扶枝遠九日初驚菊樹稀
洞裏烟霞僊客醉城

中樓閣水禽飛紉蘭他日還乘興
笑插茱萸帶月歸

重陽命駕升吳嶽竹裏鳴珂晚思催
詞客乍遺青玉案僊家時進紫霞杯
孤峯抱葉烟光度雙塔浮空月影來
唯有高人雲閣上吹藜塞菊獨遲徊

和沈二槐邦伯九日登山

常年九日長為客病裡還驚久別家
積雨山川秋更好抹雲樓閣晚偏嘉
芙蓉沼上迎新雁琥

珀杯前送落霞巖菊未舒階月冷贈君惟有折
瑤華

秋日閑居忽枉石川得孫詩篇漫次奉答
深樹城邊野鳥啼采芝閑傍水雲居青山獨往
忘携杖白髮遙憐憶倚閭季札觀風千載後長
卿多病九秋餘握蘭又見迂芳訊滿紙煙雲愧
不如

次韻壽方改亭重陽後一日

秋宇烟澄萬木蒼重陽剗度菊猶黃初筵已見

僊醴曲水渾疑沉羽觴謝客嗟惊凌海嶠
公文藻挾天章趨陪謬忝余生後常得緘題過
草堂

集翠微閣

茵閣朝暉涵遠山千門草色望中閑丹甍影坼
飛烟外碧瓦寒輕列岫間僊梵隔雲香裊裊陽
林攀磴鳥關關下方亦有青霞路風馭泠然控
鶴還

逢暮竺詩四首次朱山塘韻

脩竹鶯啼曙色寒碧梧朱瑟靜盤桓故人天上
書恒絕漁父壇邊禮更寬露裛江潭蘭葉靡風
輕山館桂枝團春園亦自紆幽與細數飛花獨
倚闌

江村長日咏加飧閑弄滄浪一笑懽沉沉揚舟
絲作繹糾糾葛屨竹為冠刷毛鴛浦聊同潔寄
足鷓枝敢自安忽報行厨深竹裏玉盤銀甲蔗
漿寒

秋色江樓正渺茫丹蓉搖落錦雲荒亭亭桂樹
入千里漠漠蕪葭水一方久矣逃名非藥市偶
然栖迹自茆堂臨岐有淚還堪笑投閣何能祇
獨傷

江城冰雪夜啼鴉起傍簷梅月色賒蒼狗白衣
何足問高臺曲沼轉堪嗟詞章繁爛慚無草椽
筆峻嶒夢有花擬向魚鳧訪僊卜不知河漢倚
靈槎

古婁徵士林居冬集次韻

馬卿多病祇間居忽枉韋家五朶書舍北浮雲

窺曙棟階前脩竹舞寒渠琴尊儼對三花樹圖
史驚開五犢車歲晏秉芳遊子與江山曠望楚
天餘

送禪僧還趙靈寺

暫依蓮社遽南還蘿室烟霞憶舊攀曉度關河
隨白馬春回岐路識青山江村古寺斜陽外香
閣殘經獨樹間宦思茫茫何必問滄波惟爾共
鷗閒

送王比部讞刑江北

崇朝雷雨釀新晴解識僊郎蒞辟情太乙星躔
尊執法中秋月色艷歸程霜飛薊北鴻猶少木
落淮南水漸平豈是尊鱸盡忘却頻宵鄉夢遶
吳城

五華寺宵集贈沐光緒昆弟

仲冬雲日五華新寶地鳴鍾醉夜宿淥水橋明
蒲結馬高城木落月邀人邨公翰墨篇篇美謝
氏芳菲樹樹均誰信南中花候早絳桃先暎水
邊春

即席贈禹同山人張愈光

漢苑梁園柰若何
碧鷄金馬竟嵯峨
才臣暫與采芳去
公子翻愁落木多
風弄苑鶯春並入
月移枝鵲夜將過
人間豈必淪三島
澤畔應憐賦九歌

同胡藩伯賞山茶月下

帶雪迎烟拂曙開
綺林真見五雲迴
靈葩恰隔栖鸞殿
詞客欣連戲馬臺
漏靜玉珂霜外度
亭寒金瑄月邊來
江東花市虛遙憶
鶯滿春溝柳

色催

揚評 似初唐風韻

送顧使君還吳江

商峯秋雨忽離群
金馬關前獨送君
楓落吳江猶度雁
月明湘浦正逢雲
林遊未悉朱方美
藻譽端期紫極聞
憑寄江城倚門者
東歸三月杏花芬

貽沐光緒

物外逍遙又對君
竹林瀟灑最能文
高臺月魄

流冬彩獨樹花叢縞夜芬一曲霓裳難載聽九
疑瑤瑟豈常聞江山滂倚青尊興日月空淹白
鳳羣

班姬團扇圖爲揚太史賦

明月團團照綺幃流蘇百尺吐葳蕤自是裁鴛
羞越女若教帖鳳懊吳姬芬芳未拂芙蓉面仿
彿應銷楊柳肌莫言江上歌桃葉常願樓前倚
桂枝

酬余憲使

人日風光漾暖隄昆明南眺柳烟齊頻朝霞色
澄霄外幾處鶯聲到水西青草苔空春謝客碧
簾花靜晝聞雞憐君爲有瑤花贈戶外何緣聽
馬蹄

送禹同山人還永昌

柱促冰絃不忍彈昆明秋色與誰看停杯海上
歌朱鳳摠纏雲中翳紫鸞郎署蕭條滇水冷江
梅道邁暮天寒憂時獨把公陵咏千載深期興
未闌

贈錢徵士

太華峯高高出雲雲為基樓月為身流連飲竹
嘗非晉荏苒尋桃不避秦九籥五枝曾問訣玄
珠蒼水舊通神紫扉况復猗蘭畝高卧皇羲莫
計春

袁州晚眺

宜陽城闕標南紀東指關河霧雨深曲水風懸
萬里色高臺日下九秋雲霜橫峯柳披青羽露
浥園花炫紫金江草銷魂憑對酒海雲迷望倚

鳴琴

分宜道中

十月霜華汀樹稀竹林雲影半含輝落落踈花
珠結佩盈盈嬌鳥玉爲衣山中霞舉千巖靜峽
口林開一水微遐眺獨親沙上雁出群應羨爾
能飛

新興道中

夜郎山嶠饒奇險路轉新興戀物華處處松筠
臨水石溪溪魚鳥帶烟霞情悰自愧非玄晏風

景真疑是永嘉龍角城闔遙萬里青春回首隔
天涯

途次感賦

春盡南中草木賒寒悻隨處見奇葩峒丁出箐
常牽犬溪女穿萍共採蛙橡葉覆田將布穀松
毛燒地欲栽茶致身霄漢慚無術獨對青山感
物華

揚評 切於風土

將至滇中

行盡天南數月程汀洲烟草不勝情山連越嶽
原多險雲至昆明始放晴縹緲碧雞迷曉望差
池玄鳥度春聲尉佗久已甘臣漢杖劍重來愧
陸生

揚評 結有意興

遊太華寺

清秋閒沆積波槎疊嶂封雲磴轉賒入寺鍾聲
含宿雨暎階松色迸朝霞深窺碧葉猿垂澗欲
下澄潭鳥逗花高棟踈簾聊騁目忽驚漁唱海

天沙

早渡碧鷄關汎滇池望太華寺

銀潢斜拂碧鷄關月過中秋尚可攀華頂烟霞
空繞寺海心禾黍亂侵山鳥飛縹緲屏前度棹
倚分明鏡裏還廿載風塵憐往蹟憶同僊侶駐
澄灣

安寧對月忽爾懷吳

芳宵華月駐連然忽憶江臯數畝田花徑風微
香度鳥松巖雲白夜聞泉謝庭群從多英妙吳

史篇章總入玄金馬旅遊非不樂欲排閭闔乞
餘年

揚評 篇章流麗自足傳矣不必在字句之

奇

至楚雄

楚雄巖壑漸逶迤杖劍南行日未西銅柱由來
分地險玉關終信與雲齊堯零不動烽常熄城
闈初臨樹欲迷何處汀洲凝望遠澹烟芳草共
萋萋

揚評 情聯興逸結之妙者

沙橋驛

四月沙橋蟋蟀聞已知炎候乍氤氳千岩草色
連朝雨萬木泉聲落暮雲星入益州天更遠
觀滇載地中分王陽弭節邛徠阪懷古應知愧
此君

小孤山

小孤山下雨聲稠四月凄其擬進裘剝木引泉
趨別澗因巖為室代層樓桑陰抱犢栽秧早箒

口割羊賽麥秋贏得蒼江多異景停車聊復一
神遊

揚評 妙於言風土

渝城有懷

清秋何樹不流陰况復蛩聲客裏聞鷺嶺西來
城似月鶴橋南去水如雲冥冥木葉烟中見隱
隱漁歌島外分獨倚高樓望梁益青霄黃鵠悵
離群

揚評 宛然杜韻

雨後登樓對點蒼山覽眺

千巖萬壑盡鳴泉香谷蘭峯浮遠天黑水微茫
通蜀國紫城迢遞紀秦年風吹玉帶遙疑雪日
閃金波近染烟鳥道攀緣如歷井蓬壺東眺轉
悠然

揚評 工緻綺靡

榆城閱武

七月江城白露紛蒼山洱水坐間分青冥漫憶
鷓鴣侶白日長驅虎豹群薊北未能忘戰伐滇

上軍
聊復慰辛勤腐儒莫抱封侯相愧負淮陰水

龍尾關

城郭彩雲搖路入新篁隱赤橋蘿屋短裳
交翠麓洲輕槳憶吳船風爭驛柳枝枝縷露
春山櫻樹樹綃明鏡曉行三十里龍關西眺水
迢迢

揚評 縷綃二字工甚

長至瀘洲與丘鴻夫燈下話舊贈別二首

仙鄉又見一陽生
屏裏缸花此夕明
揚子談經傳盛事
嵇康命駕號新盟
香分蕪寢思懸榻
歌續滄浪羨濯纓
賸有葡萄床下綠
深杯華月共殘更

江陽滇海夢魂牽
明發滄洲送別船
竹葉影金浮夜夜
梅枝香玉隔年年
驚鴻矯翮霞中見
威鳳揚音日下傳
此會難光對明月
醉吟芳草直由他處

登大竹九

半落飛泉復磴寒
風吹巖影黛痕殘
黃河曲似烟中見
黑水迴驚樹杪看
試曳長纓憐賈傅
擬歌彈鋏笑馮驩
驅馳我馬虺隤甚
泉泛澄波咏采蘭

白帝城西觀激灑石

悵望頽波流不返
絕憐砥柱倚江湄
桓生自弄風前笛
羊氏虛沉水上碑
白晝蛟龍雷雨過
青春日月薜蘿垂
然犀欲照徒相憶
浮鷁遙飛祇自疑

春日夷陵寓目

巫峽春來水滿川，千岩魚鳥若空懸。
澧蘭漫憶榮沉芷，蜀嶮渾疑近楚天。
衰雨夭桃初點點，含風弱柳故翩翩。
長途最易生悽愴，况是韶光屬禁烟。

次劉憲長贈別

同飛鸞鵠赤霄行，旅雁隨春更北征。
郢酒舊醅聊遣興，濤箋新賦漫題名。
驚回月夜鍾前夢，望斷雲山樹杪城。
草滿汀洲波水綠，却疑韶節近清明。

清明

還次巫山作

青山隨水渡江門，水繞蘼蕪山繞村。
已見玄猿烟際出，乍驚朱鷺日邊翻。
陽臺肯作襄王夢，杜宇空招望帝魂。
芳草不知春已暮，天涯猶自伴王孫。

白帝城覽古

白帝干霄駐綵霞，畫闌垂柳護汀沙。
城臨潏灩停迴棹，水轉瞿塘帶落花。
摩詰關前歌幾疊，禰衡

衡堂上鼓參樞尋思濯馬無踪跡惟見東風舞
燕斜

巴東館晚坐

蜀客干旌憶舊遊巴童舟楫赴高颿山橫碧漢
東西影雲帶清江上下流三戶依稀供晚眺一
尊清冷散春愁祇今銓覽皆王事欲賦西征可
自由

坐居秋興

小閣垂條敞碧墀爐烟書幌獨委蛇愁聞江介

翰賓布喜赴淮南淨島夷蘇武羈情鴻逝急陸
機傳恨犬歸遲秋聲不到芳樓樹隣杵空連蟋
蟀悲

偕揚太史集紫房洞作

結駟蘭皋控紫房碧雲深處挹蘭芳泠泠漸識
研硃洞步步渾疑響屨廊玉蝠飛來勾漏隱金
鸞籠去右軍忙仙臺更有何人到目寄冥鴻送
夕陽

逢雪懷升菴

惜別汀洲又幾旬歲寒風雪更懷人書妍內史
分諸體文婉中郎即後身江上蓋珠樓名標節槩
庭前蘭玉闔風神徂年獨對梅花發裁得新詩
已隔春

杭思舜理晉州牧政

燕郊夕客憐通館晉苑楊旌愴去軒碣石長風
吹玉樹關河明月對芳樽驪黃在野咨良牧鴻
鵠登雲憶遠翻報爾慙無青玉案祇今消渴偃
梁園

九灣舖早起喜晴將至歸州作

過盡春寒積雨收輕車日日背江流疏簾燕宿
花垂塢列嶂鶯飛柳帶洲豈是放歌兼縱酒絕
憐尋壑又經丘東風吹入荆門樹生長明妃憶
此州

玄埧道中聞鳥呼春去感賦

空林啼鳥知春去西指岷峨側望頻地濕三湘
猶戀主雲橫九阪更思親即看汀草憐公子忍
折江花贈遠人憑語玉門關外客懷歸底事淚

沾巾

秋興

淫潦殊方惜歲華荒涼落日隱悲笳親知隔地
音長闊藥餌經時病轉加漠漠蒼烟生橘袖蕭
蕭白露隕蕪葭星河萬里明如畫悵望張騫獨
泛槎

登樓

退食憑欄豁遠眸滇南物色入深秋烟浮野市
霜初肅木落郊原瘴已收故國未歸揚子宅殊

方獨上仲宣樓極知宇宙皆吾事會濟艱難之
壯猷

暮春臨湘驛逢陳雨泉憲副話舊時陳將
赴洛陽二首

三月鶯飛綠樹林滿堦紅雨乍逢君一尊掃徑
同吳月千里歸帆對楚雲殘雪未銷村落清
朝何事鼓鼙聞當年鴻鯉頰翹首忍見瀟湘別
袂分

江城燈火來吳客驛樹旌旗指洛師孤棹忽逢

涇林詩集 卷三 三
虛館夜清尊還共落花時憐君久洽文翁化去
路重經屈子祠嗣後夷行高燕處湘中明月倍
含思

望宮墻中翠柳感賦

十日病酒臨窓眠清晨倚眺城西偏深宜翠柳
搖春色無數倉庚啼曉烟閭闔風踈樓閣淨長
安雨晴車馬鮮碧山山下碧桃發對此憶之心
黯然

送王比部留都

石頭城畔雨初微白鷺洲前鳥更飛十里湖光
涵菡萏千門柳色點裳衣仙曹旦旦隨雲入馳
道陰陰信馬歸知汝公餘振文藻祇憑春望憶
玄暉

憶同野伯父因寄子桂子玉二弟

伯父當年樹此庄竹林蘭徑太芬芳
朱門琴老去間樓綠水塘
昆季連翩爭跨竈文章爾雅卜升堂
高飛霄漢頻延佇獨羨丹山雙鳳皇

山中即事

情何事賦閒居松逕蘿臯信所之宅舍經過
陸賈里間出入笑袁綵烟籠巖竹寒猶黯泉
落溪林晚自漪為想東山謝安石靜耽文籍是
吾師

漫興

居無異偃郊原架壑圖書幽思繁李白藏真
非酒肆相如病渴且文園松風自韻笙竽籍
不聞桃李言門對白沙迷翠竹采樵

魚喧

山園宴集顧茂仁辱示嘉篇漫次二首

上客乘春撫碧山澹雲疎雨共澄灣城藏竹樹
疑金谷水驪花枝笑玉顏垂手光迴驚窈窕歌
唇響過襍綿蠻坐憐尊酒淹闌夜賸有新篇繼
往還

青溪當戶帶春山萬樹鶯啼俯碧灣小洞香深
不玉趾天批花放惜朱顏婆娑旅進王公舞窈
窕誰憐白氏蠻不醉翻嫌歸馭蚤紫樓同是聽

蕭還

秋雨後郊居作

高天風雨霽江城
裊裊雲霞紫嶂生
暎竹斜陽漁父卧
辭巢飛燕旅人情
花漪芳藻流難定
葉抱寒蛩語未平
一昨吳洲信沿越
扁舟何事更逃名

芳艸對菊

堤柳蕭疎秋可憐
繁巖叢菊故依然
僂枝影照三潭月
新蕊香芬玉樹烟
信有霓裳紛屢舞

如芸閣儼周旋
淵明歸去柴桑醉
常日山中祇宴眠

訪徐師不遇庭中禁竹可愛湯賦

翡翠茆堂溪日晴
拂簷篁竹繞闌生
倚雲孤幹將巢鳳
傍柳新枝故轉鶯
嶰谷昔曾聞雅調
渭川今復紹芳聲
懸知芸閣圖書富
曳履重來聽解經

贈俞仲尉

東鹿城邊竹樹芬
若爲巖壑自離群
鳥嚶深戶

春先覺雲隋晴窓午不聞高躅已標玄晏傳幽
尋更艸子雲文歲寒無那遙相憶雪繞庭柯似
對君

贈隱士

羨君高尚但加飡玄武城頭蚤掛冠豈是銷聲
謝梅福若爲絕粒即袁安孤標帶月疑珠樹文
彩栖霞想玉盤賴有水南山色好隱囊終日倚
雲看

五言排律

芝山十四韻

蓬萊渺烟霧中有習長生結宇逼層漢遊神栖
太清瓊芝饒異品瑤草不知名山潤珠為色雲
流玉有聲桃源非隔世笠澤獨逃盟枕上輒坤
閔籠中日月行小言排智巧大道足元真脈望
瓊編見安期玉輦迎地偏人籟靜機息聖心成
自躡天台石曾聞子晉笙赤城霞縹緲丹澗水
崢嶸陰洞敷三秀靈苗粲九莖小冠裁野竹雜

佩結江蘅林壑東南槩流觀山水經

登拜 茂陵 泰陵贈同祀

想像空山裏松霞碧殿新星河動袞冕黍稷鬯
精禋地接雲雷夕臺融草木春二陵何岌巒庶
類共陶鈞德業驚前史趨踰怵後臣飄飄颯靈
霖灑灑陟明神羨子青雲客何慚白鷺賓回思
三禮賦此日徹 楓宸

秋日登馬鞍山次石川韻

家住青山裏漁樵興未違秋聲方折折巖氣

霏霏列岫千門靜凌峯一徑微涼颺歌李白朗
月憶玄暉木落天文迴林澄俗事稀無能羈夕
駕幾欲典春衣簿籍張華重書驚褚氏肥高歌
情不極枕上五雲飛

酬周廷尉于岐

林居觀化潛螭與蟠仙侶攀游若馬抒
嘯聊次短篇式刻徃節云爾

日月淹迎序芳悵悵獨違幽偏宜竹色孤迴狎
蘭霏結客探朱草携雲上翠微礪花明細艷水

木湛清暉棄館梨將稔高臺柳乍稀風輕千嶂
葉霜肅九秋衣頌酒欽賢聖懷時驗瘠肥如何
城闈內猶見鳳于飛

再登秦陵

天際山川合陰陰敞閔宮本支百世在歌舞萬
方同日月迴靈氣旌旗入野風衣冠瞻太乙只
尺對明聰牲璧原崇異燔柴轉鬱葱登思倍悽
愴翹首碧雲中

偏橋山行喜秋霽漸霽

永夜風搖月臨晨霧薄空竹潭分窈窕杉嶂沓
冥濛直是林霜化終隨水靄籠氤氳初動石巖
歷正含穉隱樹啼秋狖淪山斷晚鴻谷深將澤
豹川迴乍垂虹飄忽林巒失莊嚴浦溆通鷺翩
應緬邈泉溜始玲瓏漸得凌玄昧從茲詣朗融
天遙孤碣外日涌大川東柳吐村邊翠花爭水
上紅津樓方演漾峯閣轉青葱繡幕明芳箭油
車映茂蕞觀心澄白月延脰穆清風謝客玄情
蕩稽生藻氣維長途任明晦獨嘯紫巖中

沈次谷八表

人代丹顏者翩翩覲幾人
淮山榮紫桂燕苑燁
靈椿嶠躡鳩鐫杖林歸鶴控輪臨池窺篆楷友
石扣磷珣結勒皆英碩分庭異隱淪薄遊黃閣
避雅素碧山親沉月遄回權凌風久憶尊芸搜
頻散帙樹暎獨垂綸嘉節雲霞曙初筵盍齊醕
自茲開八表紀歲洽儒紳

紫螯篇

涼風自天末落木駐江濱
禾黍離離候蘭若來

采辰白鴻初折筆紫鱗乍穿蘋
齒穗群登壠輪芒暝度津
寒螿疑賈勇斂距似求信
潛結滄洲伴其爲碧海臣
朝宗諒有志鼎俎莫逃身
朗月愁離析繁霜怯聚屯
衡行跳淺瀨直上拂平昀
吐沫沉逾潤吞聲嚮漸臻
紆徐菱葉步宛轉竹林
爰廣澤營三窟清秋閱九旬
俄驚臍擁腫已覺甲嶙峋
漁父方求食林虞願卜鄰
垂竿何媯矧鼓枻始嬪嬪
曲岸沉鈎鉅澄波轉釣輪
往來那可越機穢莫相親
斷密刑嗟酷且稠術悼仁

其矜筐筥滿疇惜介虫貧巨細常兼獲雄雌類
守真盈虛緣定數羸縮頗通神沙際爭開市舟
中亦筭緡稜稜欺海錯犖犖謝川珍百舸帆齊
掛千家饌甫鈞眇余心澹蕩卅載困風塵陟嶠
吳通蜀踰河魯間秦滇雲輕萬里燕月隔三春
江左迷烟樹燈前憶紫尊橙香徒旒旒草綠但
粼粼言有吳中產淹留座上賓孔公尊正滿穆
子醴應醇精瑩丹砂滑膏流白玉勻何如金谷
晏宴羨紫駝陳曲水疏文牖閑臺坐碧茵陶情
三雅靜寫德五絃淳摘藻傾華彥論交盡隱淪
醅醕悲畢氏筐績想成人泉石懷彌切詩書道
未泯壯心嗤伏櫪雅縻業耕莘惟有 明時祝
清郊躍鳳麟

七言排律

秋千咏 有序

昔人賦麗人行而近世學士亦有秋千
 之作其思一也惜辭謝雅馴情流綺靡
 君子譏之余乃借反騷以見志而卒道
 之以正焉

閨中少女怯春眠春日行遊玉砌偏芳草萋時
 花壓谷高臺望處柳瀾川絲絲蕩颺渾無跡繡
 柱縈紆會有緣弱力僂攀青漢上笑聲常寄白

雲邊鶯鳴拂澗如爭勝蝶舞穿林亦助憐倏忽
扶搖曾萬里尋常軒舉詎三千丹襟一任丹霞
落翠帶雙飄翠葉褰絕伎漸驚凌幻化纖肢宜
妬為嬋娟樓藏綠水侵珠履陌染飛塵上翠鈿
面藥肯隨清露泫佩香遙借惠風傳倒垂度影
天山竹仰睇澄光玉井蓮躡景偶同黃鵠舉憑
虛聊聽紫雲旋私危落勢頗相顧共許輕容未
易捐豈逐魚軒春宴後若依鸞扇晚粧妍團情
團思牽芳杜徵酒徵歌近小筵寧羨玉樓雙進
筆不窺寶馬並搖鞭閒寮倚幌臨明月佳樹垂
條鎖嫩烟蒲柳不因涼後萎千秋常傍此臺前

五言絕句

芭蕉舖

雨暗芭蕉舖
征人正憶家
未能抽蕙帶
何忍折蓮花

董道夫別後感懷

惜別蒼山暮
思君淚滿衣
棠梨灣北望
獨見白雲飛

憇白沙驛

黃牛險携車
就白沙相逢
芳草路任意看

枕花

巴東謠四首

自到衡陽日書回凡幾封是書何宛轉歸期那
至冬

畫得桃花扇臨春獨倚樓與郎曾有約早晚下
瀘州

欲寄郢中書盡畏羊腸阪昨夜相見君夢裡不
成

巫山十二雲儂家九峯裏朝暮絲雲飛不知誰

峯起

渡淮河

衰草深苔徑微瀾盡日流西風捲殘葉飛上木
蘭舟

題武昌署壁

朝辭赤壁雲暮餐武昌鯉鯉中無素書悒快情
何已

六言絕句

僊池

宮樹秋來雲出仙源花落鳥啼未陌人迷遠近
桃川水記東西

夜泊百花洲

西澹亭亭晏景北眺迢迢遠天獨夜城隅對酒
百花洲裏鳴舷

七言絕句

送客出都門

有客乘風下紫薇鄉
魂直傍楚雲飛
啼鴉滿樹凝冬色
予獨長原黯黯歸

半閑

蹇歸林壑又塵寰
爭似浮雲竟日閑
流水夕陽芳草外
却憐雙鳥赴青山

贈丁別駕治兗州安平鎮二絕

鐵虬飛鎮古安平
萬點桃花拂水生
朱閣捲簾

披曉色斷烟雙鳥亂波明

早承温綉出明光親見祥雲舞鳳凰漢主秋風

河上曲至今人共說宣房

途次有懷

水邊烟柳露絲絲不管遊人與別離常記江潭

山郭畔風吹裊裊至今悲

自南木至蓬州夾路栢栽不絕云是董知

州植

誰栽青栢儼成行拂石籠雲鳥道長董奉已隨

黃鵠化不知人識是甘棠

寄示泉兒

我肩蕭史丹青絕畫汝讀書秋樹根雲滿青山

人事少日高猶自閉柴門

得穀兒書

萬里緘題到水城碧山茆屋重含情竹林知汝

脩玄業漢殿春風候早鶯

盤龍山

盤龍久徑何蜿蜒白兔亭高生碧烟雲度石梁

入不見月明飛墮萬峯前

大慈寺偕憲使論禪次韻四首

青春逐伴訪曇華城裏祇園此最佳杜宇數聲
迷翠竹流鶯幾點帶山茶

未必維摩能耳提菩提無樹是空知我來問道
無餘法白石青泉即淨慈

見說峨眉二月天紫芝瑤草遍珠田冷然便欲
乘風去笑指青山訪謫仙

香積桃花無數紅天涯春色自簾櫳偶來孤坐

非觀化溪上無雲水正空

薊州旅次

漁陽飛雪照初乾城闕蕭森樹裏看最是晚來
邊堠上角聲吹破月中寒

遵化道中

草自含烟水自流曉輿寒日共林丘雲飛不隔
來時路行盡青山是薊州

院判顧君生子

誰識金門隱歲星上方供奉半迹名千秋桃核

傾璃醖五月荷花醉玉笙

橘洲渡

三月征衣帶落花曉風殘酒過長沙家
愁難到愁到山中又別家

馬鞍山

崑邑有此山漢書

雲樹深沉石磴盤綠陰三月竹風寒馬鞍山
渾相似不比林居枕上看

將至板橋驛

花冒藤蘿柳葉條綠陰垂地馬蹄驕重遊漸識

南滇近山色溪光滴板橋

雨中望桃川宮

烟輕雲澹雨冥濛無數鶯聲亂竹中回首桃川
知不遠飛花隨水出墻東

古城阻風

古城風雨太多情江上聊羈一日程旅枕孤燈
眠未得那堪歸雁兩三聲

宿古城

古城南北草粘烟往事迢迢已廿年漫憶歸途

春雨後近窓虛枕月初懸

北笄山

北笄山下露華乾南國旌旂帶霧看借問道傍
攀柳客渭城新調聽尤難

白仁春憶江南三首予甚愛其辭而予遊

滇南也久俛仰今昔不無白傅之思漫
效其體亦賦三篇

滇南好所憶憶澄潭金馬樓船春載沉碧雞歌
舞月方圓能不憶滇南

滇南樂常記在滇中三春楚麥家家熟十月桃
花樹樹紅何日更相逢

滇南憶佳麗屬昆明垂柳影邊飛棹影賣花聲
裏雜鶯聲是處有吹笙

